

Xi ri matrü e ntre'e

RA JITSI YO NRENRA ÑE RI JÑA'A
K'O YO RA CHOMAJI, DYA RI NGOTRA

Pjongü yo in nrenra atrji'i kja in jñiñiji



Tsja'a d'a kuenta kja jango janraji trexe yo jmi'i (Facebook), d'a kuenta jango pjongüji trexe yo jmicha (Instagram), d'a jango so'o ri pejñeji jña'a o so'o ri mapjü yo ntre'e (WhatsApp business) para yo nrenra.



Yo nrenra ra pedyeji kja trexe yo rede sociale ñe ri chjeji k'o yo n'año ntre'e.



Chjeji k'o yo ntre'e kja jango janraji trexe yo jmi'i (Facebook)



Kja jango janraji trexe yo jmi'i nge jango so'o ri pjongüji trexe yo in nrenraji ñe yo ntre'e ra tsjaji ngenra yo gi pö'ö.



Pjongü pjoto o jña'a kja d'a pagina ne d'a tr'angumü para nüji na zö'ö ñe ri chotrü na punkjü ntre'e.



Pjongü jña'a yo meme, yo dya na mizhi,, tsja'a o ma'a kja d'a ts'imboxkua o ri jmutrü ntre'e para ri jitsi nu nrenra yo naño jñiñi.



Dyätträ d'a jñiñi a nanguerü ne nu nrenra, nu jñiñi nge nu ra tsja'a ke yo ntre'e ra ëji para nüji ne nrenra ñe yo dya mi päräji.

Jña'a k'o yo ntre'e k'o ra chomaji kja jango so'o ri pejñeji jña'a o so'o ri mapjü yo ntre'e (WhatsApp business)



Jango so'o ri pejñeji jña'a o so'o ri mapjü yo ntre'e (WhatsApp) jña'a k'o yo ntre'e k'o ra chomaji.



Jña'a dabadyi k'o yo ntre'e pempe ts'ijña, mapjü k'o in telepjono. ¡so'o ri pempe pjoto ñe jña'a jango gi mbedyege!



Pempe jña'a yo ntre'e ne yo gi pö'ö kja nu nrenra kja nu tr'angumü, yo jña'a ra mama jango b'üb'ü un nrenra, nu hora, trexe yo gi pö'ö.



Ndürü yo onkjüji dabadyi, ri pesi yo jña'a k'o ri ndürü.



Pjongü yo nestago kja skuama, para ri pesi d'a nrenra digital, pjongü pjoto ne yo gi pö'ö ri jñuspü in precio ngeko ra janraji yo ra chomaji dya ri chüspü.



Kuatrü nu nrenra jango pjongüji trexe yo jmicha (Instagram)



Jango pjongüji trexe yo jmicha (Instagram) janraji trexe yo ntre'e. Ri kupa para ri pempe pjoto ñe jña'a jango gi mbedyege jango ri mama yo gi tsjogü kja in nrenra.



Kupa yo jña'a para ri pjongü trexe yo ba tsjogü trexe yo pa'a.



Ünü, chotrü ñe jiodü yo gi ne'e, pjongü jña'a ñe dyätträ jña'a k'o yo ntre'e.



Xi ri matrü e ntre'e

RA JITSI YO NRENRA ÑE RI JÑA'A K'O YO RA
CHOMAJI, DYA RI NGOTRA



Jango janraji trexe yo jmi'i (Facebook)



Kja nu pagina jango janraji trexe yo jmi'i (Facebook) ne in nrenraji jñusü trexe yo jña'a k'o nestago ne in ze'e: pjongü yo jña'a ne trexe yo gi pö'ö, jango b'üb'ü nu nrenra, nu hora k'e gi xogü hasta ma gi tsotra nu nrenra.

Kuatrü d'a pjoto kja nu perfil ñe d'a in portada ngeko ra janraji trexe.

Dyätträ d'a jña'a ne yo ba tsogü kja nu nrenra, yo gi pö'ö, yo dya mizhi. Jiodü d'a jña'a k'o me na jo'o ngeko yo ntre'e ra ne janraji o kuatrü d'a pjoto.

Kja jango so'o ri pejñeji jña'a o so'o ri mapjü yo ntre'e (WhatsApp busines)

Kja jango b'üb'ü yo jñii puntituto, xogü yo poxtrjetsü kja nu tr'angumü, jango ri jñusü pje gi pö'ö kja nu nrenra, jango b'üb'ü nu nrenra ñe nu hora k'e gi xogü hasta ma gi tsotra nu nrenra.

Ri pesi yo jña'a k'o ri ndürü ma dya ri b'üb'ü o ma gi pöpji, o ma gi jña'a k'o in pjamilia o gi soya.

Ri pjurü ri dyätträ d'a skuama (catálogo) ri kuatrü yo gi pö'ö. D'a pjoto, yo jña'a ñe in preció.

Dya ri jiombeñe nu skuama (catalogo) ri potpü k'o gi pö'ö trexe yo pa'a.



Jango pjongüji trexe yo jmicha (Instagram)



Kja nu kuenta jango pjongüji trexe yo jmicha (Instagram),kuatrü d'a pjoto ne jango gi pjöpji ñe jñusü yo jña'a ne in nrenraji. Yo jña'a k'o ri jñusü, nge yo ra mama pjema materiale gi kupa para ri dyätträ yo gi pö'ö ñe nu böpji k'o gi tsjaji.

Ri sigido ri pjongü yo gi pö'ö ñe ri jña'a ne in nrenraji ne trexe ye ntre'e k'o ña'a naño jña'a ntetrjo kja yo publikacio.


Trexe yo ts'ijña

Ne Páginá

Ngeje jango janraji trexe yo jmi'i (Facebook) kja d'a tr'angumü, yo pöji o jango jmurüji yo ntre'e. In perfil ne jango janraji trexe yo jmi'i (Facebook) ne d'a ntre'e ga xipjiji "perfil".

kja jango so'o ri pejñeji jña'a o so'o ri mapjü yo ntre'e (WhatsApp busines)

Ngeje jango so'o ri pejñeji jña'a o so'o ri mapjü yo ntre'e (WhatsApp Busines) go dyäträji mbara yo ts'ike nrenra, k'o yo dya mizhi ne yo ntre'e so'o ra kupaji k'o in jña'a.



Ri pempe jña'a jango gi jñage

Jango gi jñage gi pempe a naño ntre'e kja d'a grabacio.



Ri mapjü k'o d'a telepjono

Ngeje ma gi mapjü k'o d'a telepjono, mbero nge jango mbedye yo ntre'e k'o ba jñaji, para janraji yo in jmi'i ma jñaji.



Respuesta automatizada

Le k'iben t'aan ku beetáa, tu WhatsApp utia'al ka u túxтик séeb ti' jump'éeel k'iinil akkun, ti' k'iino'ob akkun, wa utia'al núukik k'áat chi'oba' suk'taah.



Xook

Tu WhatsApp Business, le xook ku t'aanbail. ti' jump'éeel nu'ukul tu'ux ku ye'esa'ah koonol digital, tu'ux le koonol páajtal we'esik yéetel ts'aiko'on ku ts'abal utia'al u le wíini-ko'obo' béeyak kaxáant uchik u ti' leti'ob ki'imak ólal maan wa a k'aay.